

## **Incumbensa Bardill concernent in post da mediaziun independent per conflicts tranter personas privatas ed autoritads**

Da la resposta da la Regenza a la dumonda concernent in post d'annunzia independent resorta cler e bain ina valitaziun positiva areguard ina tala instituziun. Er sut il stritg pleda bler per la creaziun d'in post pregiudizial respectivamain extragiudizial, che po sclerir ed intermediar sco er evitar in'escalaziun en cas da conflicts tranter personas privatas ed autoritads. En las explicaziuns che la Regenza ha fatg a chaschun da la sessiun da zercladur 2024 davart la dumonda respectiva, pon ins plinavant leger:

«In tal post per superar conflicts ch'è independent, neutral e nunbirocratic pudess esser adattà sco varianta tar il recurs da surveglianza e tar la via giudiziala formala sco er per distgargiar las dretgiras, quai cun esser accessibel en moda simpla, cun cussegljar, cun intermediar e cun metter perina las burgaisas ed ils burgais che han conflicts cun las autoritads statalas. Ultra da quai pudess in tal post a medem temp promover la fidanza tranter la populaziun ed ils purtaders d'incumbensas publicas.»

Conform a quai che la Regenza ha incità en sia resposta, incumbenseschan las sutsegnadras ed ils sutsegnaders la Regenza

1. da crear la basa legala per endrizzar in post da mediaziun independent per conflicts tranter personas privatas ed autoritads,
2. da metter a disposiziun las resursas finanzialas respectivas per la concepziun e per la gestiun dal post da mediaziun,
3. da procurar ch'il post da mediaziun cumenzia cun sia activitad tenor il codex d'etica da l'Associazion da las mediaturas e dals mediators parlamentars da la Svizra.

Cuira, ils 30 d'avust 2024

**Bardill**, Tomaschett, Pfäffli, Atanes, Bachmann, Baselgia, Biert, Binkert, Bischof, Bisculm Jörg, Bleuler-Jenny, Cahenzli-Philipp (Vaz Sut), Caluori, Casale, Das, Derungs, Dietrich, Furger, Gartmann-Albin, Hoch, Horrer, Kaiser, Kohler, Lehner, Mani, Mazzetta, Müller, Nicolay, Preisig, Rettich, Righetti, Rusch Nigg, Rutishauser, von Wyl, Zaugg-Ettlin